



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Joannis Nadasi, è Societate Jesu, Annus Caelestis,  
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

**Nádasi, János**

**Coloniae Ubiorum, 1667**

26 Jan. 7 Kal. Feb.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

tuâ oratione accendisti, sæpè cum  
Cælitibus, qui tibi oranti aderant  
collocuta.

Sancti Donate, Sabine, Agape  
MM.

S. Marine M.

S. Britannio Ep.

S. Poppo Abba, peregrinorum  
exemplar sanctum, qui ad nuptias  
pergens, cælesti luce mutatus, post  
postea flere dictus es, quam bibere  
qui dæmonem alapâ fugâsti: ac  
tandem, dum, plenus virtutum,  
terræ osculum dares, Deo animam  
reddidisti.

OMNES SANCTI, &c.  
pag. 44.

S. MARIA, quæ hodiernum tuum  
B. Henricum sæpè visitâsti, sitientem  
recreâsti, præconem nominis JESU ap-  
pellâsti. *Visita me; & ubi me languere  
vides, excita me!*

26 Jan. 7 Kal. Feb.

S. Polycarpe, dilecte dilecti Chri-  
sto Joannis discipule, qui Mar-  
cionem hæreticum, primogenitum  
fatanae dixisti: igni addictus, odo-  
res dedisti, igne innoxio, velut for-  
nice aut arcu, tibi imminente: ac  
tandem gladio confixus es, animâ  
tuâ

tuâ, instar columbæ, visâ è tuo corpore evolare, postquam dixisti, nolle te Christo, tibi benè semper facienti, maledicere. Sancte mi, ora, ut nullus satanæ primogenitus, improbus socius nemo, ne ipse quidem satanas, mihi, seu viventi, seu morienti, nocere quicquam possit. Commenda me Magistro tuo Joanni; ut ille spiritum hunc meum, cum expiravero, deponat in eo, in quo ille quievit, sinu Dei JESU. Amen.

Sancti duodecim Martyres.

SS. Dative, Æmiliane, & socii MM.

S. Theogenes Episc. & alii triginta sex Martyres.

S. Paula Vidua, ad præsepe nati Christi extincta, quæ ante mortem, ad decorem domûs Dei, ad æternitatis domum, sanctè suspirans, dixisti, nihil te habere molestum; sed omnia tranquilla perspicere.

S. Simeon Prisce, qui in monte Moyis Abbatis, pronus, absque ullo cibo, per septem dies jacuisti, cælesti voce postea surgere, & parata tibi tria poma jussum comedere.

S. Theophani Comes, misericordiæ operibus illustrissime; cujus pedes,

pedes, podagrâ, & sanie miserabilis, post mortem, integri apparuere, & è sepulchro fragrantia caelestis erupit.

S. Alberice, qui moriens gloriantuis paratam vidisti; & in Litanis cum diceretur, *Sancta MARIA, ora pro nobis*; facies tua, Solis instar, tota respanduit.

S. Bathildis, è Reginâ Monialis, quâ moriente, lux è cælo effusa, & animæ tuæ migranti visus est S. Genesius, spiritualis olim tuus pater, & pulcherrimi Angelorum chori, animam tuam quasi manibus, alisque cælo invehentes per scalas cæli.

B. Haseka, per sex & triginta annos, in sancto silentio, reclusa Virgo; quæ, post mortem, cuidam tertio visa, tuum iis, qui à te operam flagitaverint, auxilium promissisti.

S. Joannes, & Arcadi, fratres parentibus ostensi, quasi Christo adstantes, & Joannes quidem in throno, cum sceptro, & coronâ; Arcadius verò, stellato cum diademate, penès lectulum, Crucem gerens.

OMNES SANCTI, &c.

pag. 44.

S. MARIA,

XXVII JANUARIII. 125

S. MARIA, qua S. Albericum inter Angelos invisens, illi religiosam vestem dedisti: fac me dignum beneficiis, qua à te accepi, & qua spero à Deo, per te!

27 Jan. 6 Kal. Feb.

S. Joannes Chrysofome, ardens Elia, passe plurima, ob Jezebelem Eudoxiam: cui Sancti Petrus, & Joannes claves, & librum, ad scripturas intelligendas, dedere: cui scribenti Paulus, sacrificanti Spiritus sanctus, morituro S. Basiliscus Martyr (ad cuius corpus oraveras) adfuit, & hæc dixit: *Joannes frater, crastinus dies nos loco conjunget; & conjunctus es, viatico sancto communitus. Aperi os aureum pro me, apud Deum; ut et ego moriens, ita viatico, ita tuo solatio, & comitatu muniar, ut mortis meæ dies nos loco jungat æternum. Amen.*

S. Juliane Ep. qui dæmonem, in draconis formâ, sævientem fugasti; serpentem, qui se toto pueri corpori undique illigarat, oratione disruptisti; captivos, per Angelos, liberasti; & à morte visus in gloriâ, te videntem benedixisti.

S. Lupe,